

分門纂類唐歌詩殘本

分門古今類事詩餘本

三

天地山川類卷第三十二

趙孟奎 分門纂

類唐歌詩三十二

泉石

泉

引泉

聽泉

聞泉

山泉

山下泉

松下泉

新泉

僧院泉


飛泉

流泉

秋泉

甘泉

溫泉



漢武泉

噴玉泉

鶴鳴泉

清冷泉

惠泉

雙泉

聰明泉

方丈泉

潛泉

飲馬泉

牧馬泉

野狐泉

虎培泉

峽石泉

梅嶺泉

泉眼

雜題

瀑布

水簾

石

愛石

移石

奇石

恠石

磐石

亂石

孤石

雙石

小石

片石

太湖石

西施石

陶潛醉石

望夫石

枕流石

羅浮石

爛柯石

三生石

七賢石

赤城石

立石

石筍

石柱

石牀

石版

雜題

古碑

附

沙

附

泉石

泉

崔塗

遠辭巖竇瀉潺潺靜拂雲根別故山可惜寒聲
留不得旋添波浪向人間

李中

潺潺青嶂底來處一何長漱石苔痕滑侵松鶴
夢涼泛花穿竹塢瀉月下蓮塘想得歸何處天
涯助渺茫

引泉

陸龜蒙

上嗣位六載吾宗刺桐川余來拜旌戟詔下之
明年是時春三月繞郭花蟬聯嵐盤百萬髻上
插黃金鈿授以道士館置榻于東偏蒲院聲碧
樹空堂形老仙本性樂凝澹及來更虛元焚香
禮真像盥手披靈編新定山角角烏龍獨巉然

除非淨晴日不見蒼崖顛上有擎雲峰下有噴
壑泉泉分數十丈落處皆峭瀑寒聲入爛醉聒
破西窗眠支筇起獨尋只在牆東邊呼僮具畚
鍤立鑿莓苔穿漾藂滄派墮練帶橫斜牽亂石
拋落落寒流響濺濺狂奴七里瀨縮到疏楹前
跳光潑半散涌沫飛旋圓勢束三峽挂瀉危孤
磴縣曾聞瑤池溜亦灌朱草田鳬伯弄翠縈鸞
雛舞丹煙陵風捩桂柁隔霧馳犀船況當元元
家嘗著道德篇上善可比水斯文參五千精靈
若在此前惡微波傳不擬爭滴瀝還應會淪連

出門後飛箭合勢浮青天必有學真子鹿冠秋
鶴顏如能輔余志日使䟽其源

引泉

白居易

一爲止足限二爲衰疾牽邴罷不因事陶歸非
待年歸來嵩洛下閑戶何脩然靜掃林下地閑
䟽池畔泉伊流狹似帶洛石大如拳誰教明月
下爲我聲濺濺竟夕舟中坐有時橋上眠何用
施屏障水竹繞牀前

引東泉作

元結

東泉人未知在我左山東引之傍山來垂流落
庭中宿霧含朝光掩映如殘虹有時散成雨飄
灑隨清風象源發淵竇殊恠皆不同此流又高
懸瀦瀦在長空山林何處無茲地不可逢吾欲
解纓佩便爲泉上翁

題僧院引泉

姚合

泉眼高千尺山僧取得歸架空橫竹引鑿石透
渠飛洗藥溪流濁澆花雨力微朝昏長遶看護

惜似持衣

僧舍引泉漲池

張鼎

引出白雲根
潺潺漲蘚痕
冷光搖砌錫
踈影露枝猿
淨帶凋霜葉
香通洗藥源
貝多文字古
宜稱此中翻

聽泉

齊己

落石幾萬仞
遠聲飄冷空
高秋初雨後
半夜亂山中
只有照壁月
更無吹葉風
記曾廬岳聽到

曉與僧同

聽夜泉

張籍

細泉深處落夜久漸聞聲獨起出門聽欲尋當
澗行還疑隔林遠復畏有風生月下長來此無
人亦到明

劉得仁

靜落層層石潺湲到鶴林流迴出幾洞源遠歷
千岑寒助空山月清兼此夜心幽人聽達曙聊
罷蘚床琴

題聰明泉

皮日休

一勺如瓊液將愚擬聖賢
欲知心不變還似飲寒泉

聞泉

李咸用

浙浙夢初驚幽窓枕簟清
更無人共聽祇有月空明
急想穿巖曲低應過石平
欲將琴強寫不是自然聲

商山夜聞泉

曹松

瀉月聲不斷坐來心益閑無人知落處萬木冷
空山遠憶雲容外幽疑石縫間那辭通曙聽明
日度藍關

宿壽安山陰館聞泉

崔櫓

一支清急萬山來穿竹喧飛破石苔夢在故鄉
臨欲到聲聞孤枕却驚迴多愁鬢髮余甘老有
限年光爾莫催緣憶舊遊相似處月明山響子
陵臺

石門山泉

鄭谷

一脉清泠何所之
縈莎嫩蘚入僧池
雲邊野客窮來處
石上寒猿見落時
聚沫繞槎殘雪在
迸流穿樹墮花隨
煙春雨晚閑吟去
不復遠尋皇
子陂

遊龍門香山泉

韋應物

山水本自佳
遊人已忘慮
碧泉更幽絕
賞愛未能去
潺湲寫幽磴
繚繞帶嘉樹
激轉忽殊流
歸

泓又同注羽觴自成翫永日亦延趣靈草有時
香仙源不知處還當候圓月攜手重遊寓

途中題山泉

白居易

決決涌巖穴濺濺出洞門向東應入海從此不
歸源似葉飄辭樹如雲斷別根吾身亦如此何
日返鄉園

和茅山高拾遺憶山中雜題

儲嗣宗

香味清機仙府回縈紆亂石便流杯春風莫泛

桃花去恐引凡人入洞來

憶山泉

吳融

穿雲落石細湔湔盡日疑聞弄管絃
千仞灑來寒碎玉一泓深去碧涵天
煙迷葉亂尋難見月好風清聽不眠
春雨正多歸未得只應流恨更潺湲

謝山泉

陸龜蒙

泱泱春泉出洞霞石壘封寄野人家
草堂盡日